

## WINSTONE, JAMES (1863 - 1921), arweinydd y glöwyr yn Neheudir Cymru

**Enw:** James Winstone  
**Dyddiad geni:** 1863  
**Dyddiad marw:** 1921  
**Priod:** Sarah Jane Winstone (née Iven)  
**Rhiant:** Hannah Winstone (née Edmunds)  
**Rhiant:** William Winstone  
**Rhyw:** Gwryw  
**Galwedigaeth:** arweinydd y glöwyr yn Neheudir Cymru  
**Maes gweithgaredd:** Diwydiant a Busnes; Gwleidyddiaeth a Mudiadau Gwleidyddol  
**Awdur:** Huw Morris-Jones

Ganwyd yn Risca, Mynwy, 1863, mab William a Hannah Winstone. Dechreuodd weithio yn 8 oed mewn gwaith priddfeini ac wedyn aeth i'r pwll glo yn Risca. Bu raid iddo adael yno oherwydd ei ymdrechion gyda'r undeb llafur ac aeth i Dre Harris. Yn fuan wedi mynd yno gwahoddwyd ef yn ôl i Risca gan y glöwyr i'w cynrychioli fel swyddog i bwysu'r glo. Yn 1901 etholwyd ef yn swyddog Undeb y Glöwyr dros gymoedd dwyreiniol Mynwy. Bu'n un o sefydlwyr Ffederasiwn Glöwyr Deheudir Cymru a gwnaed ef yn llywydd ar ôl **William Brace** yn 1915; daliodd y swydd honno hyd ei farw yn 1921. Yn 1917 aeth i Ganada fel cynrychiolydd undebau llafur Prydain Fawr. Ymladdodd dair etholiad seneddol, ond bu'n aflwyddiannus bob tro. Ymladdodd fel ymgeisydd Llafur ym mwrdeisdrefi Mynwy yn 1906, ac fel gwrthwynebydd y Llywodraeth Gydbleidol yn yr is-etholiad ym mwrdeisdrefi Merthyr yn 1915, a thrachefn yn yr un lle yn 1919. Yn 1906 etholwyd ef yn aelod o gyngor sir Fynwy; codwyd ef yn aldramon yn 1919 ac ef oedd llywydd y cyngor yn 1920; yr oedd hefyd yn is-lywydd y pwyllgor addysg, ac yn ustus heddwch yn sir Fynwy. Yn 1886 priododd â Sarah Jane Iven yng Nghasnewydd a bu iddynt saith o blant, ond bu dau farw'n ifanc. Yr oedd Winstone yn Fedyddiwr selog a chymerodd ran flaenllaw mewn cylchoedd Anghydfurfiol a dirwestol. Bu farw yn Llundain ar ôl triniaeth law-feddygol, 27 Gorffennaf 1921.

### Awdur

Yr Athro Huw Morris-Jones, (1912)

### Ffynonellau

Gwybodaeth gan R. Winstone, S. O. Davies, a Margaret S. Taylor (Llyfrgell Rydd Merthyr)

*South Wales Daily News a Western Mail*, 28 Gorffennaf 1921

*Who's who in Wales*, 1920

### Dolenni Ychwanegol

Wikidata: Q6145721

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfeyrdiaid Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.



#### Arddull APA



Morris-Jones, H., (1953). WINSTONE, JAMES (1863 - 1921), arweinydd y glöwyr yn Neheudir Cymru. Y *Bywgraffiadur Cymreig*. Adferwyd 20 Tac 2024, o <https://bywgraffiadur.cymru/article/c-WINS-JAM-1863>

LGC  
NLW

LLYFRGEL  
THE NATION



Ysgrifeddiadau  
Llywodraeth Cymru  
Copied by  
Welsh Government